

LIBRO DE ADORACIÓN
PARA EL USO
DE LOS INDIOS VALIENTES.

BOOK OF WORSHIP
FOR
VALIENTE INDIANS

A Collection of:	=	Colección de
PSALMS	=	Salmos
HYMNS	=	Himnos
GATEGHISM	=	Gatecismo

REV. E. S. ALPHONSE,
WESLEYAN MISSION,
BOCAS DEL TORO,
REP. DE PANAMA.

Ngobere Ngobó-Mikadre-bori
Toro.

Jondron Toro te

1	{	Ka David Kae	=	Salmos
2	{	Ka	=	Himnos
3	{	Katesismo	=	Gatecismo

REV. E. S. ALPHONSE,
AWANE NIARA YUDAKOTREWE BARE

WESLEYAN MISSION,
BOCAS DEL TORO,
REP. DE PANAMA.

KAE NGOBÓ KROKE.

SALMO TOROE NGOBE KUKÉ TE. NI JUDIOS
SALMO 1.

1. Monsowe ñan nomani ni diun tõe erere, abro monsoe nuore, ñan nonmane kûe ni jamikako ngite jie ngrabare: ñan tokobare kûe ni, ni medan kotaeko awane yaeko tokorae te, abro monsoe nuore.
2. Akua drekua jukra konek'ri, Ngobó kuke boto niara tõe tau, awane ngrobe ko weana nuore ja boto kroke, awane tau Niara kuke tóibikaire dare awane deo.
3. Awane dabal kri nonkani ño bo dorebe te, ngwo dete boto ngwore koe te, awane ko ñan nonken chi, erere niara dabal, awane drekua niara noin noaine, dabal nirien kunkuore awane tonkenye kroke.
4. Ni diun ñan ye erere, akua tau krun drunyen erere juanko muriewe nore.
5. Abokon boto ni diun ñan nunankodre Ngobówe ni koroí jondron noaimanena nomonointa nie koe noire; ni ja mikako ngite ñan dabadre nunenko ni koin awane metre ngotoete ererauto.
6. Kisete ni ja weanko metre awane koin jie gare Ngobóe akua ni diun jie guidaibiti awane deaite.

SALMO 2.

1. Nióboto ni tau ja wen kuoro-kuoro, awane jondron jiba tekeare ngwarobo tóibikaire?

2. Ni Reyes ko tibien boto awane ni kobobukotre küe ja ukaninkro keteítibe awane blitabare diun Jehová boto, awane ni fiokoni küe boto: awane ñere—
3. Ari Niara kpe otóte awane kiteko ja bore.
4. Ni nunanko ko koin biti küe kotaedi, awane Ngobówe niaratre kaendi jae.
5. Abokon wane Ngobówe blitai ja brukuo dubune biti bentre awane weain nikienko küe ja dubunyen biti.
6. Akua tiwe ja Reye mikani Sion ja ngutuoe ngo biti.
7. Tiwe ja kuke mikai ko merebiti; Ngobówe ñebare tie, mo bro ti Ngobö, Ti koboite Mo tau nire metare.
8. Dibere, awane tiwe ni kodrunente mikai mo kise te, awane ko tibien ngure jukra tiwe biain bokondre moe.
9. Mowe dikiante jioro munkoen biti, awane trekaite munune doboro-ngwo-dotebare ngetrate erere.
10. Ja mike tóboto Reyes awane mike nuke gare jae metre kalete ko tibien biti!
11. Ja mike Ngobó monsoere ngoninkaire kuoro, munwen awane ko wen nuore ja boto grukareko kuoro.
12. Ngobó Ngobö dumoene, ñan Niara guedadre awane mun deadrete ji ngrabare kore. Niara brukuo jatadre nganden wane. Ni jukra Niara kakotote awane tó dekaiko biti bro nuore.

SALMO 3.

1. Jehová nio ti nikako nebetaninko kuati! awane kabré tau ja duyere ti ben.
2. Yudá ñaka niara kroke Ngobó te, ni kabré tau fiere ti boto.
3. Akua, Mo, Jehová ti kireye mikako ti boreta, ti bonuore nenie Kúe ti dokuo kako.
4. Ti kuke bití tiwe muyaidre Jehováe, awane Niarawe ja ngó ngutuoe bití ti kuke kaningobiti.
5. Tiwe jukaba tibien, kubuyaba awane ti dukabata ngwote, Jehováwe ti ketaninte kise te.
6. Ni mil krojoto kúe ki mikadre ti bore, ti ñan dabá ngoninkaire.
7. Nunenko, Jehová; ti ngubuore. Ti ngubuore O ti Ngobóe, kiseté Mowe ti duyeko jukra mikani trone, ni diun tu monoaninte Mowe.
8. Níre bro Jehováwe: Mo jutóe boto Mo bendición dabal.

SALMO 4.

1. Ti kukenoin tí mo korore wane, O Ngobó ti mika-ko jondron metre noaine; ti namanina ti nika koe te wane Mowe ti mikani nirien, ja brukuo mike koin ti kroke, awane ti breyasie kukenoin.
2. Mun ni brare ngobrion, nio wane munwen jondron bónkon tiwe mikani gaedre? nio wane mun jondron jiba ngwarobo ben tare awane níngoka konone?

3. Akua Ngobówe ni koin mikani ko boto ja kroke, ye mike tóro jae; Ngobóe ti kuke jaroai, tiwe koroí wane.
4. Nunenko ngoninkaire awane ñakare ja mika ngite; blite ja brukuo jeñie ben ja kubuyarae te, awane ja mike kúekebe, kóntibé jondron metre noaine, aye biandre Ngobóye awane tódeke Niara boto.
5. Niré bike dre koin mike toadre? Ni kri koin tau ñere nun boto, Ngobó ja ngwore niotrae tro kainko kunkuore nun boto.
6. Mowe ko mikani nuore ti brukuo boto, i awane dọ nirien koe te nirien ngwon.
7. Ti jukai ko tídibe te awane ti kubuyai. Kisete mo Ngobó ngrobe tí mikako nune kuore.

SALMO 5.

1. Ja olo mike ti kuke tori, O Ngobó, a'n' ti tau jondron toibikaire nuture.
2. Ti muyai kuke kukenoin, ti Reye a'n' ti Ngobóe, kisete Moe tiwe breyasie ñei.
3. Ti kuke jaroai deko O Ngobó, deko tiwe ja muyaedi Mo boto awane nikrai kúnkuore Mo ngubuoi.
4. Kisete Mo bro ñan Ngobó jondron diun kako koin ae, awane jondron diun ñan dabá nebe Mo ben keteitibe.
5. Ni drobare ñan dabá nunenko Mo okuo kone, Mo jaduyere ni jondron diun sribieko jukra ben.

6. Mowe blitaiko níngokare jukra mikai neyeko, Ngobó ni dorié mikako nenyen awane ni juturu-ture kaendi jae.
7. Akua ti kroke Mo brukuo koin diká kiseté ti kuain Mo güire te awane ngoninkaire kuoro tiwe Mo mikai bori Mo Uyae ngó kukuore.
8. Ti jie wenye O Ngobó ja metre biti ti duyeko ngoninkaire, ja jie mike metre ti kone.
9. Jondron metre ñan niara kada te, kiseté jondron diunmen tau niaratre teri kiri, doro tau doboi-meta koe neaninte erere, awane tidro biti ja kainko kúnkuore.
10. Niaratre mike neyeko Mowe O Ngobó. Niaratre tpe jeñie koboite mike ngitiékonti, jakainbori diká boto kiteko kobore, jakanibori küetre Mo boto.
11. Akua ni tódekako Mo biti jukra mike nuore. Niaratre mike ngwonenko kore ko nuore boto kiseté, awane jukra mo ko ben tare mike ko wenyen nuore ja boto, Ja koboite.
12. Kiseté Mo, O Ngobó, ni ja weanko metre boto Mowe ñokoi koin. Mowe yudá kie mikai kone niaratre kireé mikara.

SALMO 6.

1. Ngobó ñan guedá ti ben ja dubúne biti, awane ti miká jondron bló toenmetre ja di biti.
2. Ja brukuo mike koin ti kroke, O Ngobó, ti di ñan kiseté. O Ngobó ti mikaita mobe, ti kro tau jene-jene.

3. Ti uyae tau bori doin tare; akua Mo O Ngobó, Nio wane?
4. Ja küitete O Ngobó, ti uyae mike nuore. O ti ngubuore Ja ko kroke.
5. Kisete guetá te Mo ñan dabá tǒro ta; nire ngusewe tenks biain Moe?
6. Ti tau nain bontrón miká boto, kore dibire ti tau ja kubuyara mike ñiere, awane ti tau ja okuorinie keye biti.
7. Ti okuo kitrá krute tóbiká boto, kitrá búkere a'n' nankuen ti duyeko koboite.
8. Noin kobore ti ken mun jondron diun noainko jukra; kisete Ngobó ti muyá kuke jaroabare.
9. Ti dibé kuke jaroabare Ngobóye, Ngobówe ti breyasie kuke kaningobiti.
10. Ni ti duyeko jukra mike jagaire, a'n' dubún: mike niküitete a'n' jagaire biare dabe.

SALMO 11.

1. Jehová biti tiwe tǒ dekaba. Nio mun tau ñiere ti uyae ye ngitié ngutuo kukuore nukuo erere?
2. Kisete, toen nete, ni diunwen ja tunkenyen dotani ti boto, niaratre ja drǒroe mikanina tunken mukuo te, ni metre ja brukuo te tokora gore.
3. Gro dotadre tibien wane, Ni koinwe dre noaindre?
4. Jehováwe ja ngo juye te tau: Ngobó tokorae tau

- ko koin biti; Niara okuae toen, Niara okuo druyen ni ko tibien biti ngobrion jukra toen tote.
5. Ngobó ni metre noente: akua ni diun awane ni kudrere ni boto tareko abokon uyae ben Ngobó jaduyere.
 6. Ni diun biti tukeni dokoin ñu erere; niókuo, jo ngire, awane murié krubote ne bro dabái tómanane krocketre.
 7. Kisete Ngobówe jondron metre tare, ni metrewe Niara ngwore boto nikrai.

SALMO 13.

1. Noofte ti koidikútaiko Mo biti O Ngobó, korea? konooite Mowe ja ngwore ukai ti ngoninkaire?
2. Konooite tiwe kuke ti mikara nuore deain ja uyae te, ti brukuo dabái ulire mantran jétebe? Konooite ti duyeko mikai bori menten koin ti bitita?
3. Ti toibikaire awane ti kukenoin O Jehová ti Ngobóe, ko mike toen ti okuae tiwe ñan kubuyadre guetá te kore.
4. Ti dinukani niara boto, ñan ti duyekowe ñedre kore, awane ti nikakowe ko weani nuore ja boto ti nikiani tibien wane.
5. Akua tiwe tódekani Mo biti, ti brukuo boto ko dabái nuore Mo ngubuora te.
6. Tiwe kai Ngobóe, kisete jondron koin noaimane kúe ti kroke.

SALMO 14.

1. Ni drobarewe, Ngobó ñakare, ñebare ja brukuo te. Ja danina küetre awane jondron kaendre jae noaimanena. Ni ítibe ñan tau jondron koin noaine.
2. Ngobó mọbe koin nikraba timon ni brare ngob-
rion boto, ni kroro dabá tọ nuke, awane Ngobó
konone añoa toa kore.
3. Niaratre jukra nikiani dukuo mike jondron diun
jíé biti awane jukra namani dobórore ni ítibe
ñan tau jondron koin noaine, ítibe 'kua ñan.
4. Ni jondron diun noainko jukra tọ ñakare daba-
dre; nenie kúe ni tiwe kuatani brete erere awane
ñakare Ngobó korobare tọro kúe boto?
5. Niaratrewe ja weani nikienko kri, Ngobó tau ni
metre ngobrion ben kisete.
6. Munwen ni bọbre kuke mikani ngwarobo kisete
Ngobó bro Oloko iwe.
7. Niowane Israel Ngubuoko kuain kobore Sion koe
te? Koñowane Ngobó kuain ni kúe benta kobore
klabure kon, Jakobowe ko weain nuore ja boto,
awane Israel boto ko dabadre nuore.

SALMO 23.

1. Ngobó bro kalinero Ngubuoko erere ti Ngubuoko;
drekua ti ñan dabá tọe nike chí.

2. Ti mikai juke tibien kiangoto kare koe te. Niarawe ti jie weani ño küekebe kuró bore.
3. Ti uyae dimikadreta küe, Niarawe jondron metre jie ngrabare ti jie weain ja ko ngo kroke.
4. Akisete tiwe dikako guetá kongruyenen diore te, ti ñan dre diun ngoninkaire chi, Mo tau ti ben kisete. Mo munkonyen awane Mo tunyen küe ti dimikai.
5. Mowe teblú mikai juto ti kone, ti duyeko jukra okuobiti: Mowe ti dukuo bosokani ko bití. Jondron ere dikaruore tiwe, Mo koboite.
6. Erara é jondron koin awane Mo brukuo koin aebe küe noin ti jié bití ti todre nire wane, awane tiwe nunain Ngobó güirete kore awane kore.

SALMO 25.

1. Moe O Ngobó ti tau ja uyae kainko.
2. Ti Ngobóe, ti tau to deke Mo bití, ñakare ti toanmetre jagaire, ñakare ti duyeko toanmetre ngro juke ti bití.
3. Erara é ñakare Mo ngubuoko itibe toanmetre jagaire. Akua ni jukra nenie tau ja mike bori Mo boto dabadre jagaire.
4. Ja jie driere tie, O Ngobó, awane ti tótike boto.
5. Ti jie wenye jondron metre te; awane ti tótike; kisete Mo bro ti Ngobóe ti ngubuora bianko; Mobe ti toe ngubuore mantran jétebe.
6. 'Kua Mo brukuo koin, awane bori dorebe, ye mike toro jae O ti Ngobóye.

7. Ti monsore wane ti ngite, awane tiwe ja mikani bori, ñan ye miká tɔrota jae. Mo brukuo koin nore ti mike tɔro jae, Mo jondronen koine kroke O Jehová.
8. Ngobó koin awane metre: abɔkonwe ji drief ni jamikako ngite iwe.
9. Ni bikako tidro jie weani kúe jondron nomonoin nie koe te, awane ni jome ja brukuo te ye ja jie drief kúe.
10. Ngobó jie jukra bro koin awane metre, ni nioe nenie tau Niara kuke ngubuore.
11. Kisete Mo ko ngo kroke O Ngobó, ti ngite niainta ti biti, ti ngite bro kri kisete.
12. Niré tau Ngobó ngoninkaire? ara iwe Niarawe ji medén koin dabadre denyen drief.
13. Niara uyae nunain ko kúekebe te, awane niara ngobrionwe ko tibien dabaí.
14. Jondron tiwire Ngobówe bro ni Niara ngoninkaiko kroke, iwe ja kuke miká braibare gare kúe.
15. Ti okuo tau kore Ngobó kukuore; Niarawe ti ngotó deaninko kra te kisete.
16. Ja kúitete ti kukuore, awane ja brukuo mike koin ti kroke. Ti tau kaibe awane jondron tare níké kisete.
17. Ti nikara ti brukuo te tau nirien, ti denyenko kobore ti nikara koe te.

18. Ninkren ti nikara a'n' ti ngidien boto, awane ti ngite jukra nienta ti biti.
19. Ninkren ti duyeko boto: Niaratre nebetaninko kuati, awane tau jaduyere ti ben ja brukuo komen biti.
20. Ti uyae ngubuore awane mike kuore, ñan ti dabadre jagaire; ti tau tɔdeke Mo biti kisete.
21. Jondron ngɔ awane metre mike ti ngubuore: Mo ngubuota tiwe kisete.
22. Israel kokɔtorita O Ngobó; Niaratre nikako jukra kon.

SALMO 27.

1. Ngobó bro ti niotrae awane ti nirera, Niré ngoninkaedi tiwe? Ngobó ti nire dira, Niré ngoninkaedi tiwe?
2. Koñowane ni diun ti duyeko ara jantani tie ti ngotore kuatá kore niara ngantani awane ngiti-anikonti.
3. Ni dukotre kriwe jukai tibien ti bore, ti brukuo ñan dabá ngoninke; du dakadreko ti boto awane, ne biti tiwe tɔdeká.
4. Jondron kuátibe ti tau dibere Ngobóe, ye tiwe konoin; ye bro tiwe nunandre Ngobó güirete kore mantran jétebe ja nire te. Ngobó jondronen bonuore toá kore, awane jondron Niara güire te gain.
5. Kisete níká koe te Niara dabalí ti uke ja nunana

- koe te, ko tiwire te ti ukai kúe, Niarawe ti mikai jo biti koin.
6. Awane tóbiti Niarawe ti dokuo kaiko ti duyeko ti bore bitita: akisete tiwe jondron biandre iwe ja nunana koe te nuore; tiwe kai, jon tiwe kai bonuore Jehovahé.
7. Ti kukenoin O Ngobó ti munyen ja kuke biti Moe wane, ja brukuo mike koin ti kroke ererauto, awane ñoke ti kore.
8. Koñowane Mowe ñebare, Ti ngwore konone mowe, Ti brukuowe ñebare Moe, Mo ngwore konoin tiwe O Ngobó.
9. Nakare ja ngwore uká menten ti kone; ñakare ja monsoe miká menten ja dubune biti, Mo namani ti yudako ti kroke, ñakare ti toanmetre a'n' ti mikako menten, O Ngobó ti nirera.
10. Koñowane ti dun awane ti meyewe ti toanmetre; noire Ngobówe kóntibe ti deain.
11. Ti tótike ja jie tori O Ngobó, awane ti wenye ji bo ngrabe ngrabare ti duyeko ngoningkaire.
12. Nakare ti bian ni diun toe iwe, niaratre jantani níngoko wenyen ti boto; awane nenie to ra niera kudrei ti boto.
13. Ti dabadre di neyeko, Ngobó-ton-koin-ko tibien-biti-ni-nire-jukra-ngotoete-toadre, tiwe ñakare kaintote wane.
14. Ngobó ngubuore, ja mike baliente, Niarawe Mo brukuo dimikai, Ngobó ngubuore ti tau ñere.

SALMO 28.

1. Moe, tiwe muyai O Ngobó, ti joe, ñan ñán ti kuke doin jae. Mowe ñan ti kuke mikadre doin noire ti dabadre ní noin komukuo te erere.
2. Ti dibé kuke kukénoin, ti munyen Moe wane, tiwe ja kise kako kunkuore Mo miká bori juye ngo kukuore wane.
3. Nakare ti toenmetre noin ni diun ben, awane ni jondron diun noainko ben nenie tau blite deme ja morokotre ben, akua jondron diun toro küetre ja brukuo te.
4. Bien niaratre iwe, ja sribie nore, awane ja jondron noaine nore, niaratre kise sribie nore bien iwe, nore utio bien iwetre.
5. Kisete ñan Ngobó sribie toibikaire küetre, awane niara kise sribie toibikaire, niarawe dikianinte tibien ererauto, awane ñan doteita.
6. Ngobó bori koin, kisete Niarawe ti dibé kuke jaroabare.
7. Ngobó bro ti dira awane ti kireémikaka; ti brukuo tódeke Niara biti, awane ti yudabare, abokon boto ti brukuo namani nuore, biti tiwe Niara miká bori.
8. Ngobó bro niaratre dira, awane ni ñokobare küe die Ngubuoko.
9. Ni Mowe ngubuore, awane jondron guedeandre iwetre boto ñoke koin; niaratre buke ererauto awane kainkotre kunkuore kore.

SALMO 47.

1. Kise mete ni jukra kûe, nwonenko Ngobóye ja kuke nuore biti.
2. Kisete Ngobó menten koin bro krubote. Niara bro Reye kri ko tibien jukra biti.
3. Niarawe ni mikáí nun toni awane ni ko kri biti jukra nun ngotó toni.
4. Dre dabadre nun tribe bo, dre dabadre nun koe, nun koe bo, Niarawe deain nun kroke awane drei nunyen, abokon biti Jakobo tau ja dikaire.
5. Ngobó nikianinta koin ganán kuke ben, awane nro kuke biti.
6. Ken Ngobóe, Ken; Ken nun Rey Iwe; Ken.
7. Kisete Ngobó bro ko tibien jukra Reye; Ken ja tóbiti.
8. Ngobó ara tau gro biti ni kodrunente ngotoite, Ngobó tokobare ja tokoraye ngoé biti.
9. Ni kotibien kobobuyewe ja ukaninkro keteítibe Ja mikadre Abram Ngobóe monsoere: kisete jon-dron ko tibien biti dira bro Ngobówe; Niara bori kaninko koin.

SALMO 51.

1. Ja brukuo mike dorebe ti kroke O Ngobó, Mo bori koin ye, nore Mo ja miká ti kroke: Mo brukuo bori dorebe ti kukeye bitita ye ara kore kiset ti ngite sokadreko ti biti.

2. Ti botete ngg jondron diun kon, awane ti sokote ti ngite kon.
3. Ti ngite ti tau driereta Moe: awane ti ngite tau ti kone kore.
4. Niré boto tiwe ja mikani ngite, awane niré, okuóbiti tiwe jondron diun ne bare. Nan Mowe ara botoya? akisete Mo metre mo tau blite ti boto wane, Mo é Mo tau nomonone tie wane.
5. Akua ti toa, dre te ti dotebare? ñan ngite te dubonea? Nan ngite biti ti meyéwe ti koboi-barea?
6. Jondron metre ye Mo to toai ni teri: awane ko kaibe konti Mowe ti mikai tóboto.
7. Ti teri sukote nisopo biti a'n' ti dabal mabe: Ti botete, a'n' ti dabal bori wenyen ñungoto ngwon.
8. Jondron nuore Mowe ye mikadre doin tie; aye-kore ti kro Mowe qtaniboto ye dabadreta nuore.
9. Mo ngwore uke ti ngite ngoninkaire, awane jondron diun jukra tiwe bare sokote.
10. Brukuo moró dotere ti te O Ngobó, awane to metre sribiere ti te.
11. Nakare ti kiteko Mo ngwore bore; ñakare Mo uyae ngg deénko ti kon.
12. Mo ngubuora nuore ye bienta tie, awane to kuore biti ti ketete.
13. Awane bátibe tiwe ni jamikako ngite tótike Mo jie te; awane ni jamikako ngite toe kuite Mo kukuore.

14.

15. O Jehová ti kadakuata ngeyente awane tiwe Mo mikai bori ja kadae biti.

SALMO 103.

1. Bless Jehová O ti uyae: awane drekuu jukra ti te Niara ko ngó bless.
2. Bless Jehová O ti uyae, awane drekuu jukra koin bare kúe mo kroke ñakare koidikuitadreko ja biti:
3. Niarawe mo ngite jukra nianinta mo biti; mo brenme jukra mikaninta mo be kúe;
4. Mo nire kókanintorita kúe guetá koe kon; Jondron koin bori dikaruore ñan bo bre biani sobrore moe;
5. Mo kadae mikani jondron koin kúete debe, akisete mo nibira moró ngótro jumu erere.
6. Jondron metre ye sribieta Jehováwe ni klabure kroke, awane nomonoindi bónton kúe kroketre.
7. Niarawe ja jie mikani gare Moisesye, ja noaine mikani toadre Israelye.
8. Jehová bro brukuo dorebe awane deme, dubún batore, awane brukuo dorebe ñan bo bre chi.
9. Ñan dabá motrore kore: ñakare dubún tote kore.
10. Nunwen ja mikani ngite, ñan nore utio biani nunyen nun ngite kroke; ñakare nun ngié utio nore biani nunyen.

11. Kisete erere ko koin bori menten koin ko tibien ngwon, nore Niara brukuo dorebe kri niaratre kroke nenie bro Niara ngoninkaiko.
12. Koderi a'n' nedeni menten jan kon kuori-kuori nore nun ngite mikani menten nun kon.
13. Ni dundre ulire ja slotaye kroke nore Jehová ulire ni Niara ngoninkaiko kroke.
14. Nun ngrabare nio gare Iwe; nun bro ko buré ye tote toro Iwe.
15. Nunana koe niwe bro tau kiangoto koe erere, bablú konsén tuore nore nie.
16. Murié sukai biti awane nikira ta: ko ñan dabá gare chi medan.
17. Kua Ngobó bro brukuo dorebe ni kroke kore kobóta, ni, nenie bro Niara ngoninkaiko, jondron metre kúe driei ni kore odoedre iwe.
18. Nenie Niara-kobó-mikani-kukeye-ngubuore,awane nenie Niara-noaiwunamane-kukeye-mikani-toro kore noaindre kore.
19. Jehováwe ja tokorae yokoba ko koin biti; awane Niarabe gro biti ko nio biti.
20. Bless Jehová mun Niara angeles bori dite, nenie tau Niara kukeye noaine awane kukénoin.
21. Bless Jehová mun Niara dukoe jukra mun Niara monsoetre nenie tau jondron nuore kroke noaine.
22. Bless Jehová niara sribie jukra ko medeñ erere niara tau gro biti: Bless Jehová O ti uyaé.

SALMO 120.

1. Ti nomani ko ulire te wane tiwe muyabare Ngobó boto a'n' ti kuke kaningobiti Küe.
2. Ti uyae mike kuore O Ngobó ni kadá kuata nín-goko kon, awane tidro juturuture kon.
3. Dre biain moe, O dre noaindi mo biti tidro nín-goko?
4. Ni baliente droroe grine, erere déketa badae ngire, erere mo tidro tare.
5. Tare tie ti tau ni jibá erere Mises konti! Tare tie ti tau nune Kedar ngotoite!
6. Mekéra ti tau nune ni-ko-tídibe-ben-jaduyere ngotoite.
7. Ti bro kúekebe, akua ti blite wane, niaratre du mike ti boto.

SALMO 121.

1. Tiwe ja okuo kaiko ngutuoe ti yudara jata kiri konti.
2. Ti yudara jata Ngobó kiri, ara Küe ko koin awane ko tibien mikani.
3. Niarawe ñan mo ngotó mikadre nenyente, awane ni mo ngubuoko ñan dabá k'buyen.
4. Toen ni Israel ngubuoko ñan dabadre nain a'n' k'buyen.
5. Ngobó bro mo ngubuoko; Ngobó bro mo troe mo kude baliente kiri.

6. Ngiwana ñan mo kukadre dare, awane so trowe ñan mo noaindi chi deo.
7. Ngobówe mo ngubuoi jondron diun jukra kon; Niarawe mo uyae ngubuoi.
8. Ngobówe mo ngubuoi mo noin mentonkuore a'n' guokore wane, biare, metare awane kobotá, kore awane kore.

SALMO 122.

1. Ti namani nuore koñowane àri noin Ngobó güire té ñebare tie.
2. Nun ngotó namani mo jukeye ñote, O Jerusalem.
3. Jerusalem detebare, ju dotebare koin ketéitibe ja boto erere.
4. Yete ni Jehová ngobrion noin, Israelye jondron ñebare nore awane tenks bien Ngobó ko ngo iwe kore.
5. Kisete yete jondron nomonondre nie tokorae koe mikani; ye bro David juye te.
6. Jerusalem koe tídibe dibere. Nenie kúe mo tare dabadre nirien tuore.
7. Ko, mo kie te koe dabai tídibe Jerusalem awane jondron mo mikara riko mo juye krikribé te Jerusalem.
8. Ti etebauntre awane ja ketamuko tiwe, kroke ti dabá ko tídibe mowe ñere, metare.
9. Kisete Ngobó nun Kobóbuye juye te tiwe jondron koin konoin mo kroke.

SALMO 123.

1. Mo nunanko ko koin biti kukuore ti tau ja okuoe kainko.
2. Monsowe ja okuo mikai ja batronen kise boto; awane meri kronwen ja okuo mikai ja ngbubuoko merireye boto erere, nun okuo kontibe nun Ngoboe ngubuore. Niara brukuo tote koin nun kroke wane.
3. Mo brukuo mike koin nun kroke, O Ngobó; ja brukuo mike koin nun kroke; Kisete ni nioe tau bori nun yaere kri.

SALMO 125.

1. Ni todekako Ngobó biti, dabal Sion ngutuae erere, drekua fiakare dabal dikiente akua dabal dimen kore.
2. Ngutuo tau Jerusalem boreta, erere Ngobó tau ni Niarawe boreta metare awane kobóta kore.
3. Kisete ni diun ngiye fiakare dabal neketete ni metre okuo biti; ni metre ngite noaite nane.
4. Jondron koin noaine, O Ngobó ni koin kroke, awane ni metre ja brukuo te kroke.
5. Akua nenie tau noin ja jie diun ngrabare, Ngobówe mikai ni jondron diun noainko ben; akua Mo dabal ko nien tidibe Israel biti.

SALMO 128.

1. Ni jukra nenie Ngobó ngoninkaire awane tau noin Niara jie ngrabare bro nuore.

2. Koñowane Mowe ja kude kobó kuataí, Mo dabaí nuore, awane jondron koin dabaí mowe.
3. Mo kuoroe dabaí kri dete koin boto erere mo ken mo güire te; mo ngobrion dabaí olivas nurae erere mo tebluye boreta.
4. Ye erere ni Ngobó ngóninkaiko bro dabaí nuore.
5. Ngobówe ñokoi koin mo kroke Sion konti; awane mowe Jerusalem jondron-en koin toai kore mo tote nire wane.
6. Jon mowe mo ngobrion ngobrion toai, awane ko tídibe Israel biti.

SALMO 130.

1. Ti mobe nguse tau munyen Moe O Ngobó.
2. Ngobó ti kukénoin: Ja ọlo mike juto ti dibée kuke tori.
3. Newane Mowe nikrá ngite boto nire dabá noadre O Ngobó?
4. Akua niananta toro Mowe, ayekore ni dabaí Mo ngoninkaire kore.
5. Ti tau Ngobó jiebo; ti uyae tau jiebo awane tau Niara kuke ngubuore.
6. Ti uyae tau Ngobó ngubuore ni jiboko deko ngubuore erere akua ngwon bori.
7. Israel mike Jehová ngubuore; kisete Ngobó brukuo bro koin ni kroke; awane Niarawe ni kọkaratorí toro kri.

8. Awane Niarawe Israel kókaitorita ngite' jukra kon.

SALMO 131.

1. Ngobó ti brukuo ñakare jakainbori, awane ti okuo ñakare tau jondron bori menten koin siba; ti ñakare ja kite jondron kri noain boto, awane drekuo menten koin diká ti kroke noaine.
2. Erara é tiwe ja weani bônkon awane kúekebe aule, monso chi deanko keanboto meyewe erere; ti uyae tau monso chi deaninko keanboto erere.
3. Israel mike Jehová ngubuore metare awane kore.

SALMO 146.

1. Ken Jehováe O ti uyae tiwe.
2. Tiwe kai Jehováe ja nire te. Salmos kai tiwe Ngobóe ti tau nire wane.
3. Ñakare tódeke ni Donkin slotaye awane ni brare ngobrion biti; kiseté niaratre ñan ni yudá dabá.
4. Niara muriéye noin kobore, dikúitaite ja dobóe te: ko ye noire niara tó deaite.
5. Nuore bro ni kroke nenie Yudako bro Jakobo Ngobóye nenie tau tódeke Jehová biti ngrobe.
6. Ara Kúe ko koin a'n' ko tibien mikani, m'reñnie awane jondron jukra te; jondron metre Ngubuoko kore.
7. Ni jondron tare nikako miká metre; Brete bian kúe mro nieye: Jehováwe ni ngite mikata kuore.

-
8. Jehováwe ni okuo ngetraninte okuo ngeante;
Jehováwe ni jaweanko metre ben tare.
 9. Jehováwe ni menteni ngubuore, ni úli awane ni
kuoroe ngantani guekakra; awane ni diun jie
Niarawe kúitate timonkuore.
 10. Jehováwe tau gro biti kore, Mo Ngobóe; O Sion
noadre kore. Jehová mikadre *bori*.
-